

INUIT ATAQATIGIIT INATSISARTUNI



UPA 2024/20.1
11.april 2024
Asii Chemnitz Narup

**Uunga siunnersuut Namminersorlutik Oqartussat
aningaasalersuisarnermik ingerlatsineq pillugu inatsimmik
allannguneq inatsisini assigiinngitsuni aalajangersakkat
ilaasa allanngortinneqarnerinik peqqussut pillugu
Inatsisartut aalajangiiffigisassaattut siunnersuut**
(Naalakkersuisoq for Finanser)

Aalajangiiffigisassatut siunnersuutip matuma akuerineqarneratigut aningaasalersuisarnermik ingerlatsineq pillugu inatsit nutarterneqassaaq.

Soorlu aningaasatigut peqquserluutinik malunnarunnaarsaaneq ineriartortuartoq / allanngoriartortuartoq taamatuttaaq aningaasalersuisarnermik ingerlatsineq ippoq.

Kalaallit Nunaata ineriartornermik malinnaanissaa inatsisinillu ingerlaavartumik naleqqussaasarnissaata qulakkeernissaat pingaaruteqarpoq.

Allannguutissatut siunnersuutigineqartut assigiinngitsorujussuarnik imaqarput, ilaatigut ukuninnga: arnat angutillu siulersuisuni aqutsisunilu naligiissitaanissaannik piumasaqaatit nutaat, Finanstilsyni pisortat siulersuisunilu ilaasortat piukkunnassusiannik assuarnaatsuunerannillu piumasaqaammik nalilersuisalissasoq, aningaasalersuinerinik ingerlataqartut siunissami atorfimmit soraarnermi aqqissuussinerit tamanut saqqummiuttalissagaat, siulersuisullu akissarsiaat akissarsiat pillugit ukiumoortumik nalunaarutikkut tamanut saqqummiunneqartassallutik.

INUIT ATAQATIGIIT INATSIARTUNI



Naggasiullugu aningaasalersuinermit ingerlataqartut sullitami kinaassusersinissaannut inuit normuinik atuisinnaanissaat kissaatigineqarpoq.

Allannguutissatut siunnersuutit ilaat ulluinnarni kiffartuussinermiit suleriaasioreersunik aallaaveqarput, maannalu inatsisitigut tunngaveqalerlutik, malittarisassallu allat nutaajullutik.

Inuit Ataqatigiit allannguutissatut siunnersuutit saqqummiunneqartut ataatsimut isigalugit taperserpaat.

Taamaattoq Aningaasaqarnermut Ataatsimiititaliaq inussiarnersumik qinnivigissavarput angutit arnallu siulersuisuni aqutsisunilu naligiissitaanissaannik piumasaqaammik atuutilersitsinissamut piffissaliisoqarnissaata ilanngunneqarsimanginnera isummerfigeqqullugu. Piffissaliinissaq pingaartuusoraarput.

Soqutigalugu maluginiarparput matumani suliffeqarfiit namminersortut naligiissitaanissamik suliniuteqarnissamut inatsisitigut piumaffigineqartut. Nunatsinni naligiissitaanissamut siuariartortitsinitsinni suliniuteqarnermi isumassarsiorfissaqqik.

Ulluni kingullerni qallunaat inatsisaasa kunngip peqqussitaatigut nunatsinni atuutitsilersinneqarnissaannik Inatsisartuni suliaqarpugut. Qassiit aningaasalersuisarnermik ingerlatsinermit tunngasuupput. Danmarkimi Finanstilsynip nunatsinnussaaq oqartussaanerata qanoq angitiginera erseqqippoq. Qulakkiigassaq tassaavoq Finanstilsynip nunatsinni pissutsit pillugit sukumiisumik ilisimasaqarlunilu alakkaamasaqarnissaa. Naalakkersuisunut tamatuminnga qulakkeerinneqqullugit qinnuigaagut.

Taamatut oqaaseqarluta siunnersuut Aningaasaqarnermut Ataatsimiititaliamut suliassangortipparput.